

irem geordenten rechtstule laßen und uch widder geschickt haben. Obir dy andern siben<sup>e</sup>) haben wir zu versprechen angenommen, als hirnach volget.

Nochdem Nickel Guttner had vor berggerichte sine anlage widder Erharden Schewczlich eyns kucks halben in der Alden Funtgruben also vordringen laßen, wy das ym der gnante Erhart  
 5 Schewczlich in dissem vergangen jare noch ostern denselben kucks vor  $\text{II}^c$  und  $\text{LX}$  Rinisch gulden recht und redelich verkoufft habe und konne des von ym nicht geweret werden, er hette yn ouch dorczu nicht brengen mogen, das er ym sulchin kouff hilde  $\text{z}$ . Dorkegen antwert Erhart Schewczlich in faste worten uff den grund, Nickel Guttener habe undirwegen, als sy mittenander des wegis eyn teil gein Zwickaw gegangen sind, mit ym rede gehabt, ap er ym eynen kucks uff der Alden Funt-  
 10 gruben verkouffen wolt, des er danne nicht gemeynt gewest sey; ydoch habe er mit worten an ym erlanget, das er ym den vor  $\text{II}^c$  und  $\text{LX}$  Rinisch gulden geboten habe. Als habe Guttener ym den kouff wullen zusagen, des er nicht habe wullen annemen, sundern ym in seyne behusunge bescheiden und ym aldo zugesaget, er wolt ym den kouff zustehn laßen, also das er ym dy bezalunge sulchir summa tethe, so wolt er yn des kucks ouch geweren und ym das schriben laßen. Sey Gutteners rede gewest,  
 15 sulchs were siner meynunge nicht, er hette nicht bar gelt davor zu geben, und were so von ym gescheiden. Des hette sich Schewczlich noch sulchem handel siner teil gehalden, dy dornoch faste lange czeit mit zubuße versorget, ouch obirloufft dorvon genomen, ane ydermans rechte insage  $\text{z}$ .

H. spr. w. n. b. v. r. Had Guttener sulchin handel des kucks halben mit barer bezalunge addir bedingter fristunge der bezalunge yn kouff nicht wullen furen und den dormith bekrefftiget  
 20 und Schewczlich had sich dornoch faste lange czeit sulchir siner teil noch bergloufftiger versorgung und gewonheit geruglichen gehalden und ane ydermans rechte insage obirloufft dorvon enpfangen und kan das, als recht ist, beweisen, so ist er nehir und mit mehrerm rechte dorbey zu blißen, danne yn Kuttener mit sulchem sinen vornemen dorvon gedringen moge<sup>d</sup>). V. b. w.

## 12. (Mit dem schichtmeister zu beweisen.)

Nochdem Herman Harlachmecher geschuldiget had und schuldiget Heinriche Reichart *fol. 18<sup>b</sup>(102)*  
 25 von Brunßwig, wy das Hans von Holcz uff befehel als sein getruwer hender von sinen wegen verbewtet habe dem gnanten Heinrich eynen kucks ym Sittich, des er zu dem mal zu verbewten mechtig gewest ist, demselben bewten noch sey der gnante Richart gein Zwickaw komen vor den schichtmeister derselben zcechen und habe aldo geweret genomen zewene kucks von des gnanten Hermans  
 30 teilen, dy er uff sich habe schriben laßen, und ym doch sein getruwer hender nicht mehir dann eyns verbewtet habe  $\text{z}$ . Doruff ist Heinrich Richarts antwert und kegenrede, ym sey gancz unbewust, das er sulchin kucks, dorumbe er yn anzihe, undir ym haben sulle, sundern setzct under andern zu besliß, das ym zu der zzeit mit willen und wissen Hanßen von Holcze zwey kucks zugeschriben, das eyne, das er Hanße von Holcz abegebewtet habe, und das ander von Hans Zcogkeloffs burgers zu  
 35 Magdeburg wegen, der sulch kucks von Lodwige Boticher gekoufft und yn gebeten habe, er sulle das zu sinen teilen schriben laßen und ym das mit sinen teilen verbuwen  $\text{z}$ ., und erbewtet sich das mit dem schichtmeister zu volkomen.

H. spr. w. n. b. v. r. Kan Heinrich Richart mit dem schichtmeister<sup>a</sup>) derselben zcechen beweißlich machen und volkomen, das ym von Hanße von Holcze nicht mehir dann eyn kucks, das er  
 40 ym abegebewtet had, und der ander kucks allis ym Sittich von Hannße Zcogkeloffs wegen ouch mit wissen Hanßen von Holcz, zugeschriben sey, als er sichs berumet, so ist er nehir und [mit]<sup>b</sup>) mehrerm rechte dorbey zu blißen, dann yn Herman Harlachmecher mit sulchir siner gesaczten schult dorvon gedringen moge.

11. c) funff stund zuerst da und darüber sechße, dann wurde unter dieses, ohne daß es durchstrichen worden wäre, siben geschrieben. Vermuthlich sind es die Urtheil 11—17. d) Vergl. Bergrecht B. § 33.

12. a) schickmeister A. b) Ergänzt wie in B.